

Numri i lëndës: 2019:112326

Datë: 11.03.2024

Numri i dokumentit: 05432811

**C.nr. 219/2019**

**GJYKATA THEMELORE NË GJILAN-DEGA NË V.**, Departamenti i Përgjithshëm-Divizioni Civil, sipas gjyqtarit Alush Sinani, dhe bashkëpunëtoren profesionale Lumturije Fetahu, në çështjen juridike të paditëses Byroja Kosovare e Sigurimeve "BKS", me seli në Prishtinë Rr, "Lidhja e Pejës" Magj, Prishtinë-FushëKosovë pa nr, kundër të paditurit V.S.nga fshati D., Komuna e V.. me objekt kontesti rimbursim i dënimit material dhe jo material, vlera e kontestit 660,00 €, jashtë seance gjyqësore, më datën 08.03. 2024 mori këtë:

**A K T G J Y K I M**  
**PËR SHKAK TË PADËGJUESHMËRISË/MOSBINDJES**

I. APROVOHET si e bazuar kërkesëpadia e paditëses Byroja Kosovare e Sigurimeve "BKS" dhe DETYROHET e paditurit V.S., që t'i rimburoj mjetet Byroja Kosovare e Sigurimeve "BKS", që në emër të rimbursim i dënimit material dhe jo material në shumë 660.00 €, me kamatën ligjore prej 8% ne vit, nga data 23.05.2019, si datë e ushtrimit të padisë në gjykatë, e deri në pagesën definitive, e të gjitha këto në afat prej 15 ditësh nga dita e pranimit të këtij aktgjykimi, nën kërcënimin e përbarimit të dhunshëm

II. DETYROHET i padituri që paditëses t'ia paguaj shpenzimet gjyqësore në emër të tarifës gjyqësore në shumë prej 20€, të gjitha këto në afat prej 15 ditës, pas plotfuqishmërisë së këtij aktgjykimi, nën kërcënim të përbarimit të dhunshëm.

**A r s y e t i m**

Paditësja Byroja Kosovare e Sigurimeve "BKS", në këtë gjykatë më datën 23.05.2019, ka paraqitur padi kundër të paditurit V.S.nga fshati D., Komuna e V., për rimbursimin e dëmit të paguar në shumë prej 660.00 € me kamatë ligjore prej 8%, duke llogaritur nga dita e pagesë së dëmit, në afat prej 15 ditëve nga dita e plotfuqishmërisë së këtij aktgjykimi, nën kërcënim të përbarimit të dhunshëm si dhe i ka kërkuar shpenzimet gjyqësore. Sipas pretendimeve të paditëses, i padituri me dt. 03.07.2017 rreth orës 13:20 min në rrugën publike në V., pa mbulesë siguruse, respektivisht me afat të skaduar të policës së sigurimit, ka qenë duke e drejtuar automjetin e udhëtarëve të markës "Iveco" , me numër të targave 05-571-CN, ka shkaktuar aksident trafiku duke i shkaktuar dëm të dëmtuarit Arsim Rexhepi, nga V., ku i damtuari në momentin e shkaktimit të aksidentit ka qenë pa mbulesë siguruse sepse afati i vlefshmeris së polices së sigurimit ka qenë deri më datën 24.06.2016. Në bazë të kërkesës për kompensimin e dëmit material dhe jo material të parashtruar nga ana e të dëmtuarit M.L., paditësja të njëjtit i kompensoi dëmin në shumën e përgjithshme në vlerë prej 660.00 euro.

Për të mbështetur pretendimet si në padi, paditësja si prova materiale i ka propozuar gjykatës që të administrohen: Raporti i aksidentit i lëshuar nga PK, nr. 2017-QG-0284, i dates 03.07.2017, Ujdia jashtëgjyqësore me nr. 910/17, e dates 05.08.2017, e lidhur në mës Byroja Kosovare e Sigurimeve "BKS" në Prishtinë dhe M.L. nga Lipjani si i dëmtuar, Konfirmimi i polices

sigurimit i dtes 07.07.2017, Deshmia e urdhertrasferit të mjeteve financiare në emër të M.L., me përfaqësus të autorizuar Autoservis A-Z., me pronar A. Z., e leshuar nga Banka per Biznes BpB ne Prishtinë me date 05.09.2017.

Gjykata në këtë çështje juridike kontestimore, pas shqyrtimit paraprak të padisë ka nxjerrë aktvendimin C.nr.219/19 i dt.3108.2021, të cilin i padituri e ka pranuar me dt.02.09.2021, e cila datë është konfirmuar përmes fletëkthesës e cila gjendet në shkresat e lëndës. Me aktvendimin për përgjigje në padi, gjykata e ka njoftuar të paditurin për detyrimin ligjor për dhënie të përgjigjes në padi dhe për pasojat ligjore që do t'i ketë i njëjti nëse nuk paraqesin përgjigje në padi brenda afatit ligjor, përkatësisht për mundësinë që gjykata të marrë aktgjykim për shkak të mosbindjes në disfavor të tij.

I padituri, pavarësisht se e ka pranuar personalisht aktvendimin për përgjigje në padi, së bashku me padinë dhe provat materiale në këtë çështje juridike kontestuese, nuk ka paraqitur përgjigje në padi brenda afatit ligjor.

Gjykata, pasi i ka vlerësuar kushtet ligjore për nxjerrjen e aktgjykimit për shkak të mosbindjes, ka gjetur se në rastin konkret plotësohen të gjitha kushtet ligjore për nxjerrjen e aktgjykimit në fjalë nga neni 150, par. 1, pikat a), b) dhe c) të LPK-së, në të cilën dispozitë shprehimisht parashihet se “Në qoftë se i padituri, brenda afatit të përcaktuar me këtë ligj, nuk e paraqet në gjykatë përgjigjen në padi, gjykata jep aktgjykim me të cilin e aprovon kërkesëpadinë (aktgjykimi për shkak të mosbindjes) po që se janë plotësuar këto kushte: a) po që se të paditurit i është dorëzuar rregullisht padia dhe thirrja për dhënien e përgjegjës në padi; b) po që se themelësia e kërkesëpadisë del nga faktet e treguara në padi; c) po që se faktet mbi të cilat mbështetet kërkesëpadia nuk janë në kundërshtim me provat që i ka propozuar vet paditësi apo me faktet e ditura botërisht.”

Gjykata nga provat që i janë bashkangjitur padisë; Raporti i policisë i Raporti i aksidentit i lëshuar nga PK, nr. 2017-QG-0284, i dates 03.07.2017, Ujdia jashtëgjyqësore me nr. 910/17, e dates 05.08.2017, e lidhur në mës Byroja Kosovare e Sigurimeve ”BKS” në Prishtinë dhe M.L. nga Lipjani si i dëmtuar, Konfirmimi i polices sigurimit i dtes 07.07.2017, Deshmia e urdhertrasferit të mjeteve financiare në emër të M.L., me përfaqësus të autorizuar Autoservis A-Z., me pronar A. Z., e leshuar nga Banka per Biznes BpB ne Prishtinë me date 05.09.2017, i është kompensuar shuma prej 660.00 euro, kështu që Byroja Kosovare e Sigurimeve ”BKS”, pastaj i është drejtuar me kërkesë për regres shkaktarit së aksidentit, tani të paditurit nn me kërkesë për pagesën e rimbursimit të dëmit, pasi që i njëjti në momentin e shkaktimit të aksidentit ka qenë duke drejtuar automjetin e tij pa pa mbulesë siguruse përkatsisht me policë sugurimi me afat të skaduar.

Gjykata në kuptim të dispozitave të cekura ligjore nga neni 150 i LPK-së dhe në lidhje me dispozitat e nenti 14 par.1, nën par.1.2 dhe 4 dhe neni 18 para, 4, të Ligjit për Sigurimin e Detyrueshëm nga Autopërgjegjësia ku parashihet se: “Personi i dëmtuar të cilit i është shkaktuar dëmi brenda territorit të Republikës së Kosovës nga një mjet motorik, pronar i të cilit nuk është i mbuluar nga sigurimi i autopërgjegjësisë, ka të drejtë të këkrojë dëmshpërlbimin e dëmit nga Byroja dhe para.4 ku parshihet se Byroja ka të drejtë regresi për këto dëme nga personi përgjegjës dhe atë për shumën e paguar, shpenzimet dhe kamatat, e në rastin konkret automjeti

shkaktar i aksidentit në momentin e ndodhjes së aksidentit ka qenë pa mbulesë sigurimi, i njëjti e ka drejtuar automjetin e tij pa policë sigurimi të vlefshme dhe adekuate, kështu që tani paditësja-Byroja ka të drejtë regresi për këto dëme nga personi përgjegjës dhe atë për shumën e paguar, shpenzimet dhe kamatat.ashtu siq parashihet në nenin 18 paragrafi 4. të Ligjit për Sigurimin e Detyrueshëm nga Autopërgjegjësia.

Meqenëse i padituri në momentin e shkaktimit të aksidentit ka qenë pa mbulesë sigurimi në bazë të nenit 18 paragrafi 4 të Ligjit për Sigurimin e Detyrueshëm nga Autopërgjegjësia, i dëmtuari ka të drejtë regresi për dëmin e shkaktuar nga personi përgjegjës, në këtë rast nga i padituri për shumën e paguar palës së dëmtuar, andaj nga këto arsye gjykata e aprovoj kërkesëpadinë e paditëses si të bazuar dhe vendosi si në pikën I. të dispozitivit të këtij aktgjykimi.

Kamatëvonesa është gjykuar në bazë të nenit 382 të LMD-së, kurse rrjedha e kamatës është përcaktuar nga data 11.07.2019, si datë e ushtrimit të padisë në gjykatë.

Në nenin 382 të LMD-së është përcaktuar se ,, 1. Debitori që vonon në përmbushjen e detyrimit në të holla debiton, përpos borxhit kryesor, edhe kamatën. 2. Lartësia e kamatëvonesës është tetë përqind (8%) në vit, përveç nëse parashihet ndryshe me ligj të veçantë.

Gjykata ka vendosur për shpenzimet e procedurës konform nenit 452.1 të LPK-së, duke e detyruar të paditurin, që paditëses t’ia kompenzoj shpenzimet e procedurës në lartësi prej 20.00€, për taksë gjyqësore të paguar, në afat prej 15 ditëve pas plotëfuqishmërisë së këtij aktgjykimi, nën pasojat e përmbartimit të dhunshëm ligjor.

Nga të lartëcekurat, u vendos si në dispozitiv të këtij aktgjykimi.

**GJYKATA THEMELORE GJILAN - DEGA E GJYKATËS V.**  
**DEPARTAMENTI I PËRGJITHSHËM – DIVIZIONI CIVIL**  
**2019:112326, 08.03.2024**  
**C. nr. 219 /2019**

Gj y q t a r i  
Alush Sinani

**KËSHILLA JURIDIKE:** Kundër këtij aktgjykimi pala e pakënaqur mund të paraqesë ankesë në Gjykatën e Apelit të Kosovës në Prishtinë, në afat prej 15 ditëve nga dita e pranimit të të njëjtit. Ankesa në kopje të mjaftueshme dorëzohet përmes kësaj Gjykate